




ხაშურის მთაშუა



№17

5 ოქტომბერი, ორშაბათი, 2015 წელი

ძვირფასო პედაგოგებო!

ხაშურის მუნიციპალიტეტის სახელით, გულწრფელად გილოცავთ პროფესიულ დღესასწაულს - მასწავლებლის დღეს! თითოეული თქვენგანი ემსახურება მეტად საპატიო და ქვეყნის მომავლისთვის უმნიშვნელოვანეს საქმეს - ახალგაზრდა თაობების აღზრდასა და განათლებას. ქვეყნის მომავალი საკლასო ოთახიდან იწყება, ამიტომ თითოეული მასწავლებლის წვლილი ქვეყნის წინსვლასა და განვითარებაში გადამწყვეტია. ვუსურვებ თითოეულ პედაგოგს ჯანმრთელობას, პროფესიულ და პირად ბედნიერებას, მოსწავლეთა სიმრავლეს.

დაე, მუდამ გვეამაყოს თქვენი აღზრდილი თაობებით! საუკეთესო სურვილებითა და დიდი პატივისცემით, გიორგი გურასპაშვილი, ხაშურის მუნიციპალიტეტის გამგებელი

ძვირფასო მასწავლებლებო!

ხაშურის მუნიციპალიტეტის საკრებულოს და ხაშურის კულტურულ-საგანმანათლებლო აღორძინების ფონდის სახელით სულით და გულით გილოცავთ მასწავლებლის დღეს. მასწავლებელი ყოველთვის იყო, არის და იქნება ყველასთვის უდიდესი ავტორიტეტი და საპატივცემულო პიროვნება, რომელიც ქვეყანას უზრდის მომავალ პატრიოტებს და პროფესიონალებს. მადლობა მინდა გითხრა თომინებისათვის, გაგებისა და თანადგომისათვის, დიდი მასუხისმგებლობისათვის და შრომისათვის. ხელისუფლება შესაძლებლობების ფარგლებში ყველაფერს გააკეთებს თქვენი მატერიალური გაუმჯობესებისათვის, თქვენთვის ღირსეული პირობების შექმნისათვის, თქვენი განვითარებისათვის, თქვენ ეს გეკუთვნით, თქვენ ეს ნამდვილად დაიმსახურეთ. ვაჟა შუბითიძე, ხაშურის მუნიციპალიტეტის საკრებულოს თავმჯდომარე

გვირგვინით შეამკეს



27 სექტემბერს, სოხუმის დაცემის დღესთან დაკავშირებით, ხაშურის მუნიციპალიტეტის გამგებელი გიორგი გურასპაშვილი და მუნიციპალიტეტის გამგეობის წარმომადგენლები სამშობლოსათვის ბრძოლაში დაღუპულ გმირთა მემორიალთან შეიკრიბნენ. მუნიციპალიტეტის გამგეობის წარმომადგენლებმა მემორიალი გვირგვინით შეამკეს და პატივი მიაგეს გმირთა ხსოვნას.

ხაშურის მუნიციპალიტეტი

ხაშურის მუნიციპალიტეტის გამგებლმა გიორგი გურასპაშვილმა მუნიციპალიტეტის გამგეობის წარმომადგენლებთან ერთად, სოფელ გომში, ძველი ადმინისტრაციული შენობის სარეაბილიტაციო სამუშაოები დაათვალიერა. სამუშაოები სოფლის მხარდაჭერის პროგრამის ფარგლებში ხორციელდება. დაგეგმილია, შენობის სარეაბილიტაციო სამუშაოების დასრულების შემდეგ, აქ სპორტულ-კულტურული ცენტრი მოეწყოს, რომელიც სოფელ გომში ყველა თაობის წარმომადგენელთათვის შეხვედრების, დასვენებისა და კულტურული ცხოვრებისთვის გამოყოფილი კომფორტული სივრცე იქნება.

ჩვენი შვიტყველისათვის უკვე ცნობილია, რომ ხაშურის მუნიციპალიტეტის საკრებულოს თავმჯდომარის ბრძანების შესაბამისად, საკრებულოს წევრებს დაევადათ, ამომრჩეველებთან საჯარო შეხვედრების ორგანიზებულად ჩატარება და მათ მიერ გაწეული მუშაობის შესახებ კანონითა და რეგლამენტით გათვალისწინებული ანგარიშების გამოქვეყნება. აღნიშნული ბრძანება უკვე ამოქმედდა. საკუთარ ამომრჩეველებს უკვე შეხვდნენ: წრომის მაჟორიტარი დეპუტატი ემზარ მურჯიკნელი, აღის მაჟორიტარი ზურაბ ნოზაძე, ხალხების მაჟორიტარი ნოვე ტაბატაძე, წაღვლის მაჟორიტარი მალხაზ ლომიძე და "კონსერვატიული პარტიის" ხაშურის ორგანიზაციის თავმჯდომარე ნიკოლოზ კიკნაძე. საკითხები შეხო აქტუალურ და პრობლემურ თემებს, რომლებთანაც ყოველდღიური შეხება უწევს მოსახლეობას. დეპუტატებმა ერთი წლის გაწეული სამუშაოების შესახებ ანგარიში ჩააბარეს საკუთარ ამომრჩეველებს. შეხვედრები დინამიურად მიმდინარეობდა აღის, წრომის, წაღვლის და ხალხების ადმინისტრაციულ შენობებში. ანგარიშის მოსმენას ესწრებოდნენ საკრებულოს თავმჯდომარე ვაჟა შუბითიძე, საკრებულოს წევრები, ადგილობრივი მოსახლეობა, გაიმართა დისკუსია. მოსახლეობამ შეკითხვები დაუსვა მაჟორიტარ წევრებს, საუბარი შეეხო, როგორც განხორციელებულ პროექტებს,

შეხვედრები ამომრჩეველებთან



ისე არსებულ პრობლემებს, რომელთა გადასაჭრელად დაიგეგმა კონკრეტული ღონისძიებები. საკრებულოს წევრების წლიური ანგარიშის მოსმენის პარალელურად, წინ იწვევს მოსახლეობისათვის საინტერესო საკითხები, როგორცაა მიმდინარე პროექტები. ოკუპირებული საზღვრისკენ ვაღვლის ადმინისტრაციულ ერთეულში მცხოვრები მოსახლეობა კმაყოფილებას გამოთქვამს ადგილობრივი ხელისუფლების მიმართ გაზიფიკაციისა და წყალმომარაგების პროექტის განხორციელებისათვის. საკრებულოს თავმჯდომარემ წაღვლის ალტერნატიული ბაღიც მოინახულა და სკოლის პედაგოგებს გაესაუბრა. აღნიშნულ ტერიტორიულ ერთეულებში მცხოვრებმა მოსახლეობამ დადებითად შეაფასა საკრებულოს წევრების მიერ გაწეული მუშაობა და ის ფაქტი, რომ მათ აქვთ შესაძლებლობა გახსნილად ისაუბრონ პრობლემებზე, დააფიქსირონ კრიტიკული მოსაზრება და საკუთარი შეხედულებისამებრ შეარჩიონ სოფლისათვის საჭირო პრიორიტეტები.

ძვირფასო თანამოქალაქენო, საზღვარგარეთ მოღვაწე ჩვენო თანამემამულენო!

2015 წლის 22 ივნისს, საქართველოს ტექნიკური უნივერსიტეტის აკადემიურმა საბჭომ მხარი დაუჭირა ქ. ხაშურში საქართველოს ტექნიკური უნივერსიტეტის ფილიალის გახსნას. 2015 წლის 10 ივლისს საქართველოს ტექნიკური უნივერსიტეტის სენატმა და კანცლერმა ასევე მოიწონეს ფილიალის დაბეჭობა, რომელიც მათ წარუდგინა ხაშურის საკრებულოს თავმჯდომარემ სახელმწიფო ტექნიკური უნივერსიტეტის პროფესორმა ვაჟა შუბითიძემ. საქართველოს ტექნიკური უნივერსიტეტის ფილიალში, რომელიც მოემსახურება არა მარტო ხაშურელი არამედ მეზობელი მუნიციპალიტეტების ახალგაზრდობის განათლებას, ლექციებს ჩაატარებენ თბილისიდან მოწვეული მაღალკვალიფიციური პროფესორები. ხაშურის ინტელიგენციისა და ყველა ნამდვილი ხაშურელის დიდი ხნის ოცნების ასრულება რეალური ხდება. უკვე შერჩეულია როგორც პროფესორთა შემადგენლობა, ასევე საუნივერსიტეტო შენობაც, რომელიც ფილიალს უანგაროდ დაუთმო

სურამ-ხაშურის ეპარქიის მმართველმა, მეუფე სვიმეონმა. მისი ლოცვა-კურთხევით, დაარსდა ხაშურის კულტურულ-საგანმანათლებლო აღორძინების ფონდი, რომელიც მოახდენს შენობის რეაბილიტაციისა და გარემონტებისათვის განკუთვნილი თანხების მობილიზებას, რაც მთლიანად მოხმარდება ამ მართლაც საშვილიშვილო საქმეს. ეს ფილიალი ყველამ ერთად უნდა ავაშენოთ და გახსნათ 2016 წლის სექტემბრისათვის, ისევე როგორც კელესიას აშენებს სოლმე მთელი ერი. იქმნება სპეციალური წიგნი, რომელშიც აღირიცხება ყველა შემოწირული თანხა და შემომწირველის გვარ-სახელი, რათა იგი შემოვუნახოთ შთამომავლობას. თქვენ შეგიძლიათ, შესაძლებლობების ფარგლებში, თანხის შეწირვით საპატიო წვლილი შეიტანოთ ამ დიდ მამულიშვილურ საქმეში და ხელი შეუწყოთ ფილიალის დროულად გახსნას.



ფონდის ანგარიშის ნომერია: GE62LB01151218873211000 „ლიბერთი ბანკის“ ხაშურის ფილიალი LBRTGE22 ხაშურის კულტურულ-საგანმანათლებლო აღორძინების ფონდი

ანგარიში არასამეწარმეო (არაკომერციული) იურიდიული პირი „საგანე“-ს მიერ გაწეული მუშაობის შესახებ

2015 წლის 9 თვეში ა(ა)იპი „საგანე“-ს მიერ განხორციელდა და შესრულებული იქნა ყველა ის სამუშაო, რომელიც გათვალისწინებულია ხაშურის მუნიციპალიტეტის საკრებულოს მიერ 2014 წლის 11 დეკემბერს დამტკიცებული №198 „ხაშურის მუნიციპალიტეტში სასაფლაოების მოვლა-პატრონობის უზრუნველყოფისა და სარიტუალო მომსახურების გაუმჯობესების ხელშეწყობის“ და №199 „ხაშურის მუნიციპალიტეტის მოსახლეობისათვის ესთეტიკური და უსაფრთხო გარემოს შექმნისა და გაუმჯობესების ხელშეწყობის“ სამუშაო პროგრამებით.

„ხაშურის მუნიციპალიტეტში სასაფლაოების მოვლა-პატრონობის უზრუნველყოფისა და სარიტუალო მომსახურების გაუმჯობესების ხელშეწყობის პროგრამის“ გათვალისწინებით განხორციელდა ზემოსერის, გორათის და ჭალის სასაფლაოებზე შემდეგი სამუშაოების შესრულება. ზემოსერის სასაფლაოზე მოხდა შიდა კვარტალური გზების მოხრეშვა, რამაც ხელი შეუწყო მოსახლეობის შეუფერხებლად და კომფორტულად გადაადგილებას სასფლაოს ტერიტორიაზე, ასევე მოხდა წლების განმავლობაში დაზიანებული ღობის აღდგენა-შეღებვა, რამაც ხელი შეუწყო სასაფლაოს ტერიტორიის დაცულობას და დასუფთავებას. ამავდროულად, შეკეთდა ე.წ. არხზე გადასავლელი მილი, რაც დიდ პრობლემას უქმნიდა ავტომანქანით გადაადგილებას. ამასთან ერთად, ინტენსიური სამუშაოები მიმდინარეობდა გორათის და ჭალის სასაფლაოების დასუფთავება-



ზე, უპატრონო საფლაოების მოვლა-პატრონობაზე, სარეველა ბალახების გათიბვაზე და სხვა. ამავდროულად ჭალის სასაფლაო საჭიროებს შემოდგომას, რათა მოხდეს სასაფლაოს დაცვა დანაგვიანებისაგან.

„ხაშურის გამწვანების ტერიტორიებისა და ობიექტების, ხე-მცენარეებისა და სხვა ნარგავების მოვლა-პატრონობის ხელშეწყობის ქვეპროგრამით მიმდინარე წლის დასაწყისიდან დღემდე ყოველდღიურად მიმდინარეობს ქ.ხაშურში არსებული 27 სკვერის, გაზონის და სასეირნო ბაღის დაგვა-დასუფთავება, რომელსაც ემსახურება ოთხი მეფხოვე, ხოლო სასეირნო ბაღს -3 მეფხოვე.

აღნიშნულ სკვერებში, გაზონებში და სასეირნო ბაღში ვატარებთ აგროტექნიკური პირობებით გათვალისწინებულ სამუშაოებს: ბარვას, თოხნას, მარგვლას, სკვერებში წითელი გზების გასუფთავებას სარეველებისაგან, პერბიციდების და სასუქების შეტანას, მუნიციპალიტეტის ტერიტორიაზე არსებული ხეების გადაბეღვას და გადაბერებული და ამორტიზებული ხეების მოჭრას, ყვავილნარების მოწყობას, სკვერებისა და გაზონების სათიბელით გათიბვას, ყვავილებისა და მოლის მორწყვას, სარწყავი მანქანის მეშვეობით. ზამთარში ვახდენთ ხეებიდან თოვლის ჩამობერტყვას და სკვერებში საცალფეხო ბილიკების გასუფთავებას. გადაბედილი და მოჭრილი ხეები იკოტრება და ვუზრუნველყოფთ სოციალურად დაუცველ ოჯახებს თითოეულს 3 მ. კუბ საშეშე მერქნით. დღეის მდგომარეობით მოჭრილია 16 ძირი ხმელი და გადაბედილია 22 ძირი ხე, რომლითაც დაკმაყოფილებულია 18 სოციალურად დაუცველი ოჯახი 54 მ.კუბ-ის საშეშე მერქნით.

გაზაფხულზე განხორციელდა ხეების ძირების შეთეთრება კირის ხსნარით. წელს ხაშურისა და სურამის ქუჩებში შეთეთრებულია 2849 ძირი ხე (858 ძირით მეტი ვიდრე წინა წელს).

განხორციელდა ხაშურის ცენტრალურ სკვერებში 1000 ცალი ვარდისა და სხვადასხვა ჯიშის ყვავილების დარგვა და მოვლა-პა-

ტრონობა. ხაშურის დასვენებისა და კულტურის სასეირნო ბაღში დაირგო 40 ძირი სოჭის და 7 ძირი არყის ჯიშის ხეების ნერგები. ა(ა)იპ-ის სანერგე მეურნეობის ნაკვეთში, დღეის მდგომარეობით, გამორგულია შემდეგი ჯიშის ახალგაზრდა ნარგავები: თრიმლი - 100 ძირი, საპნის ხე- 100 ძირი, კოპიტი - 200 ძირი, მუხა - 150 ძირი, ცაცხვი 200 ძირი, ცხენის წაბლი- 100 ძირი, ნეკერჩხალი - 230 ძირი ვარდი 200 ძირი. აქედან 60 ძირი ცაცხვისა და 50 ძირი ნეკერჩხლის ჯიშის ნარგავები ხაშურის მუნიციპალიტეტის გამგებლის წარმომადგენლების მიერ ოსიაურის, წრომისა და ხცისის ადმინისტრაციულ ერთეულებში გატანილი და დარგული იქნა ადმინისტრაციული ერთეულების შესაბამის ტეროტორიებზე.

სანერგე ნაკვეთის ტერიტორიაზე გამოყვანილი ჩითილებიდან გამორგულია ქალაქის სკვერებში „ასტრის“, „მამლის ბიბილოს“, „ტეგეტას ნანას“, „ცინის“ და „კალენდულას“ ჯიშის ათი ათასზე მეტი ყვავილის ჩითილი. „მაწანწალა და უმთავალყურო ცხოველების მოვლა-პატრონობისა და პოპულაციის მართვა-იზოლირების ღონისძიებების ხელშეწყობის ქვეპროგრამით“ გათვალისწინებულია მაწანწალა და მიუსაფარი ცხოველების მოვლა-პატრონობის, რაიონიდან გაყვანის, კასტრაციის და დაავადებული ძაღლების ვეტანაზიის სამუშაოები. დღეის მდგომარეობით, სპეციალური ბრიგადის მიერ, რაიონის მოსახლეობის მიერ მოწოდებული განცხადებების საფუძველზე, დაჭერილი და მუნიციპალიტეტის ტერიტორიიდან გაყვანილი არის 110 ერთეული ძაღლი. უახლოეს პერიოდში შექმნილი იქნება სპეციალური ინვენტარი ძაღლების კასტრაციის ჩასატარებლად, კასტრირებულ ძაღლებს ყურზე გაუკეთდებთ ბირკები და გაშვებულები იქნებიან იმავე ტერიტორიაზე. ამასთანავე, პარალელურად მიმდინარეობდა სხვადასხვა სახის სამუშაოების შესრულება, როგორცაა:

ხაშურის დასვენებისა და კულტურის სასეირნო ბაღში აღდგენილია საკანალიზაციო ხაზი, დასალევი წყლის ნიჟარა და ცენტრალური შადრევანი;

რეაბილიტაცია გაუკეთდა სასეირნო ბაღის ცენტრალური შესასვლელის ფასადს..

კინოთეატრ „რუსთაველი“-ს გვერდით არსებულ სკვერში განხორციელდა შადრევნის აღდგენა, მასთან მიმდებარე კობისა და მოაჯირების აღდგენა და შეღებვა. ხაშურის სამუხეუმო გაერთიანების წინ მდებარე სკვერში შესრულებულია მოაჯირების მოწყობის სამუშაოები; ხაშურის მუნიციპალიტეტის გამგებლის დავალებით შესრულებულია მინი სტადიონის შემოდგომის, სანატორი „სურამთან“ ავარიული კანალიზაციის აღდგენის და ჩუმათელეთში სათავე ნაგებობის გაწმენდის სამუშაოები.

სოფ. მიწოში გაიჭრა 600 მეტრიანი თხრილი სასმელის წყლის პოლიეთილენის მილების ჩასაწყობად. აღდგენილი იქნა სარწყავი მანქანა „გაზ-53“; სოფელ ხცისში აღდგენილი იქნა სასმელი წყლის მიწოდება; გარემონტდა სტადიონის მიმდებარე ტერიტორიაზე მდინარე სურამულაზე გადასასვლელი ხიდის მოაჯირი, „ლიტვის პარკისა“ და პოლიციასთან მდებარე შადრევნები; ასევე მიმდინარეობს ხაშურის მიმდებარე ტერიტორიაზე სხვადასხვა სახის სამუშაოები. კერძოდ რკინიგზის კულტურის სახლის და სასეირნო ბაღის კეთილმოწყობის სამუშაოები. ზამთრის სეზონის დადგომასთან დაკავშირებით, სოციალურად დაუცველი ოჯახების გასათბობი შეშით დაკმაყოფილების მიზნით, მიმდინარეობს შესაბამისი სამუშაოები, კერძოდ ამორტიზებული ხეების მოჭრა- გადაბეღვა, დამუშავება და ადგილზე მიტანა.

შოთა კოპაძე,
ა(ა)იპი „საგანე“-ს დირექტორი



ინფორმაცია განათლების, კულტურის და სპორტის სამსახურის მიერ 2014 წლის აგვისტოდან 2015 წლის ოქტომბრამდე გაწეული საქმიანობის შესახებ

2014 წლის ზაფხულის პერიოდში სრული რეაბილიტაცია ჩაუტარდა 2 საბავშვო ბაღს: სოფელ ოსიაურში და სოფელ ცხრაძუხაში, 2015 წელს კი, რეაბილიტაციის პროცესი მიმდინარეობს მე-3, მე-4, მე-5, მე-7 და მე-9 საბავშვო ბაღებში, ხოლო ახალი შენობა აშენდა სოფელ ვაყაში. ამ პერიოდის განმავლობაში მოხდა სოფელ ცხრაძუხის, სოფელ ოსიაურის საბავშვო ბაღების გაზიფიცირება და ცენტრალური გათბობის დამონტაჟება ოსიაურის ბაღში. უახლოეს პერიოდში იგეგმება დანარჩენი სკოლამდელი აღზრდის დაწესებულებების გაზიფიცირებაც.

ხაშურის სამუსიკო სკოლაში გარემონტდა და რბილი სკამებით აღიჭურვა საკონცერტო დარბაზი. ამჟამად მიმდინარეობს სკოლის გარე ფასადის მოპირკეთების სამუშაოები.

წელს პირველად, ქალაქის კულტურისა და დასვენების პარკში, შესაძლებელი გახდა უფასო ინტერნეტით სარგებლობა. მოხდა ბიბლიოთეკისა და საქალაქო კულტურის სახლის ნაწილობრივი რეაბილიტაცია. თანამედროვე სტანდარტებით მოწვეო თოჯინების თეატრის დარბაზი.

მუნიციპალიტეტმა მრავალწლიანი პაუზის შემდეგ აღადგინა კინოჩვენების ტრადიცია და მ/წ ზაფხულში, საქართველოს კულტურისა და ძეგლთა დაცვის სამინისტროს მხარდაჭერითა და ეროვნულ კინოცენტრთან თანამშრომლობით, მოაწყო სხვადასხვა საერთაშორისო ფესტივალებზე მონაწილე ახალი ქართული ფილმების ჩვენება დიდ ეკრანზე.

მიმდინარე წლის დასაწყისში, იანვრის თვეში, ტრადიციულად, საზეიმოდ აღინიშნა შობა-ახალი წლის დღესასწაული. ახალი წლის დამეც, ღია ცის ქვეშ, შოუ-ბიზნესის ცნობადი სახეების მონაწილეობით გაიმართა კონცერტი, რომელიც დასრულდა ფეიერვერკით.

მარტის თვეში აღინიშნა 3 მარტისა და 8 მარტის დღეათა და ქალთა საერთაშორისო დღისადმი მიძღვნილი ღონისძიებები. 3 მარტს ჩვილი ბავშვისთვის საჭირო ნივთებით დასაჩუქრდნენ სამშობიარო სახლში მყოფი დედები, ხოლო სარვამარტოდ დასაჩუქრდნენ მუნიციპალიტეტის უხუცესი ქალბატონები.

ღონისძიებით აღინიშნა 9 აპრილიც. სკვერში, სადაც უკვე მრავალი წელი გამოყოფილი იყო ადგილი, სადაც უნდა აღმართულიყო 9 აპრილს დაღუპულთა ხსოვნის მემორიალი, წელს, უკვე მიმდინარეობს შესაბამისი სამუშაოები და უახლოეს დღეებში იგეგმება მემორიალის საზეიმოდ გახსნა.

9 მაისს, დიდ სამამულო ომში გამარჯვების 70 წლისთავისადმი მიძღვნილი ღონისძიებების ფარგლებში გვირგვინებით შეიმკო დაღუპულთა მემორიალი, გაიმართა ვეტერანებთან შეხვედრა და სანახაობრივი წარმოდგენა, სადაც მუნიციპალიტეტის ბავშვთა და მოზარდთა შემოქმედებითი განვითარების ცენტრის მოსწავლეებმა და კულტურის ცენტრების გაერთიანების ფოლკლორული ანსამბლის წევრებმა საინტერესოდ წარმოაჩინეს საკუთარი შემოქმედება. თითოეული ვეტერანს საჩუქრად გადაეცა სასურსათო პაკეტი.

წელს, ჩვენს ქალაქში, გრანდიოზულად აღინიშნა 26 მაისი, საქართველოს დამოუკიდებლობის დღე. ამ დღესთან დაკავშირებით, ხაშურს სტუმრობდა ლატვიის ქ. ბაუსკას ქორეოგრაფიული ანსამბლი „ჟანდალსი“. ანსამბლის წევრებმა, ადგილობრივ მოსახლეობასთან და შემოქმედებით ანსამბლებთან ერთად, მონაწილეობა მიიღეს ქალაქის ცენტრალურ ნაწილში გამართულ საზეიმო მსვლელობაში ეროვნული სამოსითა და დროშებით.

ასევე დიდი ზეიმით აღინიშნა 1 ივნისი, ბავშვთა დაცვის საერთაშორისო დღე ქალაქის კულტურისა და დასვენების პარკში, ღია ცის ქვეშ. ღონისძიების მონაწილე თითოეული პატარა დასაჩუქრდა ფერად-ფერადი საპაერო ბუშტითა და ნაყინით. საქალაქო კულტურის სახლში კი, გაიმართა კონცერტი მუნიციპალიტეტის საბავშვო ბაღების აღსაზრდელთა მონაწილეობით.

2008 წლის 8 აგვისტოს საქართველო-რუსეთის ომის ხსოვნასთან დაკავშირებული კვირეული აღინიშნა ღონისძიებებით. გვირგვინებით შეიმკო ომში დაღუპულთა საფლავები.

ასევე გვირგვინით შეიმკო 27 სექტემბერს, სოხუმის დაცემის დღეს, აფხაზეთის ომში დაღუპულთა მემორიალი. ზეიმით აღინიშნა სასწავლო წლის დაწყება - ღია ცის ქვეშ ჩატარდა კონცერტი მოწვეული სოლო შემსრულებლების მონაწილეობით.

ახალგაზრდობის სულიერი და ინტელექტუალური განვითარების თვალსაზრისით, ხაშურის მუნიციპალიტეტის საჯარო სკოლების უფროსკლასელთა შორის ჩატარდა კონკურსი „მოგზაურობა მსოფლიოს გარშემო“ და ინტელექტუალური თამაში „ბიგ რაუნდი“. აღნიშნულ თამაშში გამარჯვებულმა დიმიტრი ყიფიანის სახელობის საპატრიარქო სკოლის გუნდმა საქართველოს მასშტაბითაც წარმატება მოიპოვა და თამაშში „რა, სად, როდის?“ ჯერ რეგიონის, შემდეგ კი, საქართველოს ჩემპიონიც გახდა. მიღწეული შედეგებისა და მომავალში მეტი სტიმულისათვის, გუნდის თითოეული წევრი მუნიციპალიტეტმა ფულადი ჯილდოთი დაასაჩუქრა.

ამასთანავე, ორგანიზება გაეწია საქართველოს სპორტისა და ახალგაზრდობის საქმეთა სამინისტროს მიერ გამოცხადებულ ინტელექტის დღესთან დაკავშირებულ კონკურსს. 2014-2015 წლებში ხაშურის მუნიციპალიტეტის საჯარო სკოლების მოსწავლეებმა მონაწილეობა მიიღეს სატელევიზიო პროექტ „ეტალონი“ პროექტში გამარჯვებულს გადაეცა კომპიუტერი.

ხაშურის მუნიციპალიტეტის მე-2 საჯარო სკოლას „შხლედული შესაძლებლობების მქონე მოსწავლეთა დღის მოვლის ცენტრის“ ფუნქციონირების ხელშეწყობის მიზნით, რომელიც გათვლილია 20 მოსწავლეზე, 2014 წელს გადაეცა საოჯახო კინოთეატრი, ფოტოაპარატი და კომპიუტერი. 2014-2015 წლებში მუნიციპალიტეტისა და განათლების, კულტურის და სპორტის სამსახურის ინიციატივით მოწვეო დასუფთავების აქციები. მუნიციპალიტეტში ფოლკლორისა და ტურისტების განვითარებისათვის, მ/წ ზაფხულში, დაბა სურამში, ბაიანთხევის ტყე-პარკში ჩატარდა ფესტივალი „არტ-გენი“. ფესტივალის ფარგლებში მოწვეო ხალხური რეჟის ნიმუშების

გამოფენა, ქართული ხალხური საბრძოლო ხელოვნების „ხრიდოლის“ ჩვენება, როგორც ადგილობრივი, ასევე მეზობელი მუნიციპალიტეტების ფოლკლორული და ქორეოგრაფიული ანსამბლების დათვალიერება. სასიამოვნო დღე დასრულდა მუსიკალური ჯგუფების „რაჭველებისა“ და „ფრანის“ კონცერტით. მუნიციპალიტეტის ფინანსური მხარდაჭერით, ხაშურის სამუსიკო სკოლის სამი წარმატებული მოსწავლე გაემგზავრა თურქეთის რესპუბლიკაში, კლასიკური მუსიკის საერთაშორისო ფესტივალზე.

წელს პირველად, ხაშურის მუნიციპალიტეტმა დააწესა „დიმიტრი ყიფიანის სახელობის პრემია“ და პრემიით გათვალისწინებული 2500-2500 ლარი, განსაკუთრებული დამსახურებისათვის ქვეყნისა და მუნიციპალიტეტის წინაშე გადასცა ააიპ სამუშეუმო გაერთიანების დირექტორს თამაზ ლაცაბიძეს და დიმიტრი ყიფიანის ცხოვრებისა და შემოქმედების კვლევისათვის - პროფესორ გურამ ყორანაშვილს.

2014 წლის ოქტომბერში გაიმართა სახალხო დღესასწაული „ხაშური - ოქროს შემოდგომა 2014“, რომლის ფარგლებში აღინიშნა „ხაშურლობა“ და ქართველი და უკრაინელი ხალხების მეგობრობის დღესასწაული „ლესიაობა“. ღონისძიებებზე ვუმასპინძლეთ უკრაინის, ლიტვისა და ლატვიის დამეგობრებული ქალაქების დელეგაციებს; ასევე 2015 წლის ოქტომბრის თვეში დაგეგმილია ანალოგიური სახალხო დღესასწაული. ამჯერად მუნიციპალიტეტი უმასპინძლებს უკრაინის, ლატვიის, ლიტვის, პოლონეთის და ისრაელის დელეგაციებს.

2014-2015 წლებში პერიოდულად ტარდებოდა კონცერტები და ღონისძიებები ცნობადი სახეების მონაწილეობით. ხაშურმა უმასპინძლა მსახიობ ლეო ანთაძეს მონო-სპექტაკლით და ახალგაზრდულ შემოქმედებით გაერთიანება „ეროვნულ იმპერატივს“- სპექტაკლით „გაზა ილიასი“.

2014 წლის ოქტომბერში, რეაბილიტაციის შემდეგ, მუშაობა განაახლა თოჯინების თეატრმა, დარბაზიც გათვლილია 100 ბავშვზე. შექმნილ იქნა ახალი თოჯინები და დაიდგა თოჯინური სპექტაკლი „სატკბილეთის ქვეყანა“, ხაშურის თოჯინების თეატრმა მონაწილეობა მიიღო ფესტივალში „ნარინჯისფერი ქობულეთი“, სადაც მიიღო ოქროს მედალი და ლაურიატის წოდება, საახალწლოდ კი ბავშვებისთვის გაიმართა ნაძვის ხის ზეიმი „მრავალ ახალ წელს“;

ფუნქციონირება განაახლა კულტურის ცენტრთან არსებულმა დრამატულმა თეატრმა, რომელმაც სეზონურად წარმოადგინა სპექტაკლები. 2014 წელს სამუსიკო სკოლას მუნიციპალიტეტის გამგეობის მიერ გადაეცა 5 ვიოლინო და პირველი და მეორე კლასის სახელმძღვანელოები. საანგარიშო კონცერტები გამართეს ხაშურის მუნიციპალიტეტის შემოქმედებითმა კოლექტივებმა.

მოსახლეობაში და განსაკუთრებით ახალგაზრდა თაობაში ცხოვრების ჯანსაღი წესის დამკვიდრების თვალსაზრისით განხორციელდა სხვადასხვა ღონის სპორტული შიდა, რეგიონალური და რესპუბლიკური ტურნირები სპორტის შემდეგ სახეობებში: ფეხბურთი, კალათბურთი, ქართული ჭიდაობა, ჭიდაობა-ძიუდო, ჭიდაობა-სამბო, თავისუფალი ჭიდაობა, ჭადრაკი, ჩოგბურთი, ძალოსნობა, ბერძნულ-რომაული ჭიდაობა, აგრეთვე გაიმართა საერთაშორისო მასშტაბის ვახტანგ კვინიკაძის სახელობის ტურნირი თავისუფალ ჭიდაობაში რომელშიც მონაწილეობა მიიღეს მეზობელი ქვეყნების: თურქეთის, აზერბაიჯანის, სომხეთის წარმომადგენლებმა.

ჩვენი მუნიციპალიტეტის საამაყოდ, 2014-2015 წლებში გვეყავს საქართველოს, ევროპისა და მსოფლიოს ჩემპიონები და პრიზიორები ჭიდაობა სამბოში, თავისუფალ ჭიდაობაში. წარმატებული სპორტსმენები და მათი მწვრთნელები დაჯილდოვდნენ ფულადი პრემიებით. წელს პირველად, მუნიციპალიტეტმა დააფინანსა თავისუფალი ჭიდაობის საქართველოს ეროვნული ნაკრების წევრების მწვრთნელი ევროპისა და მსოფლიო ჩემპიონატზე მონაწილეობისათვის. ჩვენი სპორტსმენებისათვის დიდი სტიმული იყო საკუთარი მწვრთნელის ყოფნა საერთაშორისო დონის ასპარეზობაზე და მათ მოიპოვეს კიდევაც დიდი წარმატებები.

აღსანიშნავია ის ფაქტი, რომ სპორტსმენების და მწვრთნელების კვების დიეტური თანხა გასვლით ასპარეზობებზე გაიზარდა. გაიზარდა მწვრთნელების ხელფასები. გარემორტდა და საჭირო ინვენტარით აღიჭურვა ძალოსნობის დარბაზი სოფ. კლდისწყაროში. ასევე შექმნილ იქნა სპორტის სხვადასხვა სახეობებისთვის შესაბამისი ინვენტარი. ხაშურში და დაბა სურამში დაემატა რაგბის ჯგუფები.

ასევე გაიზარდა საფეხბურთო გუნდ „ივერის“ წევრებისა და მათი მწვრთნელების კვების ხარჯები.

საზეიმო ვითარებაში მოხდა 2015 წლის ევროპის ახალგაზრდული ოლიმპიადის ჩირაღდნის შემობრძანება ჩვენს მუნიციპალიტეტში. 2015 წლის მაისის თვეში მუნიციპალიტეტმა დააფუნდა ააიპ გახეთი „ხაშურის მოამბე“. გახეთი გამოდის კვირაში ერთხელ და მასში ქვეყნდება ადგილობრივი თვითმმართველობის მიერ მიღებული ყველა სამართლებრივი აქტი, შუქდება მუნიციპალიტეტის მიერ გაწეული და მიმდინარე სამუშაოები. გახეთთან ერთად, ყოველთვიურად, გამოდის ლიტერატურული დამატება, რომელშიც ქვეყნდება ადგილობრივ ლიტერატორტთა შემოქმედება.

2014-2015 წლებში, ხაშურის მუზეუმში, გაიმართა არაერთი მნიშვნელოვანი ღონისძიება: აღინიშნა წმინდა დიმიტრი ყიფიანის ხსენების დღე, მუზეუმის საერთაშორისო დღე, აღდგა მუზეუმის ლექტორიუმი, ლექციები წაიკითხეს ცნობილმა პროფესორებმა. მოეწყო გამოფენები „ახალი სიცოცხლე მუზეუმის ექსპონატებს“, „საქართველო - ვაზის სამშობლო“, მოეწყო არქეოლოგიური სამარხის იმიტაცია. აღნიშნულ პროექტებში აქტიური მონაწილეობა მიიღეს მუნიციპალიტეტის საჯარო სკოლის მოსწავლეებმა. რესტავრაცია ჩაუტარდა არქეოლოგიურ, დოკუმენტურ და ფოტომასაღებებს. ამასთანავე, სათანადო ყურადღება დაეთმო ხაშურის მუზეუმის ფონდების შევსებას ახალი მასალებით.

ღონისძიებებით დატვირთული იყო ხაშურის ბიბლიოთეკა სხვადასხვა კლუბებში გაწვევიანებული მოსწავლეების მონაწილეობით. მთლიანად, განათლების, კულტურის და სპორტის სამსახურის მიერ კოორდინაცია და ხელმძღვანელობა ეწევა მუნიციპალიტეტის არასამეწარმე-არაკომერციულ იურიდიულ პირებს (ააიპ): ბავშვთა და მოზარდთა შემოქმედებითი განვითარების ცენტრს, სამუზეუმო გაერთიანებას, სკოლის-გარეშე სასპორტო საგანმანათლებლო დაწესებულება ხაშურის კომლპექსურ სასპორტო სკოლას, კულტურის ცენტრების გაერთიანებას, სკოლისგარეშე სახელოვნებო-საგანმანათლებლო ხაშურის, სურამისა და ქვიშხეთის სამუსიკო სკოლებს, ხაშურის მუნიციპალიტეტის ბიბლიოთეკას, გახეთ „ხაშური მოამბეს“ და სკოლამდელი აღზრდის ცამეტ დაწესებულებას.

ლიმიტრი ყიფიანის სახლ-მუზეუმი

დაჯილდოვდა ანიმა მუნდი

ლიბვა-საქართველო" მთავარი პრიზით

3 სექტემბერს, თბილისის ისტორიის მუზეუმში, რიგითი მესამე ხელოვნების საერთაშორისო ფესტივალი „ანიმა მუნდი – 2015 „ გაიხსნა, ფესტივალი ორ ქვეყანაში – ლიტვასა და საქართველოში 24 აგვისტოდან 9 სექტემბრის ჩათვლით გაიმართა, რომლის ფარგლებში ორი ქალაქი თბილისი და შიაულიაი აერთიანებს მხატვრებს მთელი მსოფლიოდან და ხელს უწყობს ამ ორ ქვეყანას შორის მეგობრული დიალოგის გაღრმავებას. ფესტივალში ჩართული იყვნენ ხელოვანები, მსოფლიოს სხვადასხვა ქვეყნიდან: მათ შორის, 30 მხატვარი, გრაფიკული დიზაინერი, ფოტოგრაფი ვიზუალური არტისტი 12 ქვეყნიდან – შვედეთიდან, კუბიდან,



ინდონეზიიდან, ნიგერიიდან, აშშ-დან, ირანიდან, ლიტვიდან, თურქეთიდან, არგენტინიდან, იაპონიიდან, საქართველოდან და ლატვიიდან. ფესტივალის მიზანი იყო ორი ქვეყნის ისტორიული, კულტურული და პოლიტიკური იდენტობისადმი საზოგადოებრივი ცნობიერების ამაღლება და ორი ქვეყნის კულტურული და ისტორიული მემკვიდრეობის პოპულარიზაცია შემოქმედებითი ფორმით, ფესტივალის ფარგლებში დაგეგმილი იყო გამოფენები, კონფერენციები, სემინარები და დისკუსიები სხვადასხვა თემაზე. საერთაშორისო ფესტივალის დირექტორი გახლდათ ზიტა ვილუტიტე ხელოვნებათმცოდნე

და მხატვარი, თანაშემწე კი – ჩვენი თანამემამულე, მხატვარი ალექო ლომაძე (ქალბატონ ზიტას მეუღლე). უნდა აღინიშნოს, რომ ალექო ლომაძე გავიცანი ქვიშხეთში, 2014 წელს, ლიმიტრი ყიფიანის 200 წლისთავისადმი აღსანიშნავ საიუბილეო დღეებში, როცა მუზეუმს საჩუქრად გადმოსცა ლიმიტრი ყიფიანის პორტრეტი, რაც მუზეუმისთვის უნიკალური შენაძენია, ჩვენი ურთიერთობა გადაიზარდა მეგობრობაში. შეხვედრების მთავარი თემა ყოველთვის ლიმიტრი ყიფიანის სახლ-მუზეუმი – მისი დღევანდელი და ხვალისდელი დღე. ქალბატონმა ზიტამ და ბატონმა ალექომ მუზეუმის დღევანდელი მდგომარეობა გაითვალისწინეს, როგორც მუზეუმის მეგობრები და მიმიწვიეს საერთაშორისო ფესტივალზე, რაც ჩემთვის დიდი პატივია. ფესტივალის დღეებში ვეხმარებოდი გამოფენების, კონფერენციების, დისკუსიების მოწყობაში (ერთი დღე მიეძღვნა ლიმიტრი ყიფიანის ცხოვრებასა და მოღვაწეო-

ბას), სტუმრებს დავათვალიერებინე ცისფერი გალერეა (ფიროსმანის გამოფენა), ხელოვნების მუზეუმის ოქროს ფონდი და სხვა. ფესტივალის დღეებში ბატონმა ალექომ და ქალბატონმა ზიტამ, თვალსაჩინო ადგილზე მომიწვეს სახლ-მუზეუმის შენობისა და საექსპოზიციო დარბაზების დაზიანებული ადგილების ფოტოსურათების სტენდი, სადაც კარგად ჩანდა, რომ მუზეუმი დანგრევის პირასაა მისული, იქვე იყო დალაგებული ლიმიტრი ყიფიანის სახელობის საქველმოქმედო ორგანიზაციის მიმღების ანგარიშის ნომრების ბარათები და საქველმოქმედო სპეციალური ყუთი წარწერით: „ლიმიტრი ყიფიანის სახლ-მუზეუმის ფონდისთვის. (ფესტივალის დირექტორმა, ქალბატონმა ზიტამ, ფესტივალის გახსნის დროს მოსულ სტუმრებს სხვადასხვა ქვეყნის საელჩოების, საკონსულოების წარმომადგენლებს, მხატვრებს, მათ შორის იმყოფებოდა კულტურისა და ძეგლთა დაცვის მინისტრი მიხეილ გიორგაძე, დაურიგა ანგარიშის ბარათები)“, ფესტივალის ხელმძღვანელობამ, მონაწილეებმა დიდი მხარდაჭერა გამოუცხადეს ლიმიტრი ყიფიანის სახლ-მუზეუმს და მხატვართა ერთმა ნაწილმა გადმოსცა ხელოვნების 7 ნიმუში, იმ თვალსაზრისით, რომ



ნახატები გაიყიდოს და შემოსული თანხა გადაირიცხოს სახლ-მუზეუმის ფონდის ანგარიშზე, შენობის რეკონსტრუქციისთვის, ამჟამად, ნამუშევრები გადატანილია სამუშაოების ტაძარში და სულ მალე ჩვენ სამუშაოების ახალგაზრდულ ცენტრში ჩავატარებთ ღონისძიებას, რომელიც მიეძღვნება ქველმოქმედებას და აქვე გადამწყვეტია ნამუშევრების ბედი (თუ ვერ მოხერხდება ნამუშევრების, ქველმოქმედების მიზნით, გაყიდვა, ნამუშევრები ბინას დაიდებს ლიმიტრი ყიფიანის სახლ-მუზეუმში). ნამუშევრებს შორის არის „ივერიის ღვთისმშობლის ხატი“ – ავტორი ალექო ლომაძე (საქართველო), „დათო ყიფიანის პორტრეტი“ ავტორი ალექო ლომაძე, „ანგელოზი“ – ავტორი ზიტა ვილუტიტე (ლიტვა), „ათას ერთი ღამე“ – ავტორი – ელმირა შოკ რომ (ირანი), – „ჩრდილი“ – ავტორი აინა რუტინა (ლატვია), „ხატი“ – ავტორი შაკო კოლაძე (საქართველო). ერთ ნომინაციაში ფესტივალის მიმდინარეობის პერიოდში მუშაობდა სპეციალური ჟიური. ჟიურისა და ფესტივალის ხელმძღვანელობის გადაწყვეტილებით, ორი ქვეყნის ლიტვა-საქართველოს შორის კულტურული და მეგობრული ურთიერთობის გაღრმავებისთვის ლიმიტრი ყიფიანის სახლ-მუზეუმი დაჯილდოვდა ფესტივალის მთავარი პრიზით „ანიმა მუნდი 2015 ლიტვა-საქართველო“.

რეჯახ ნოხაძე, ქვიშხეთის ლიმიტრი ყიფიანის სახლ-მუზეუმის მენეჯერი

გაცრეცილი ფოტოები

კვლავ ვუბრუნდებით რუბრიკას „გაცრეცილი ფოტოები“. რამდენ ინფორმაციას იტევს ეს კადრები, თითოეულში იმ ეპოქის, იმ წლების სუნთქვა იგრძნობა. ეს წინა საუკუნის ოთხმოციანი წლებია, როდესაც ჩვენი რაიონი მართლაც ინდუსტრიულ რაიონად ითვლებოდა თავისი სხვადასხვა ფაბრიკა-ქარხნებითა და ათასობით



დასაქმებული მუშა-ხელით. დემურთმანი, არ მივსტირით იმ წლებს და არც კომუნისტური ეპოქის ნოსტალგია გვაქვს, მაგრამ ნამდვილად ვნატრობთ, ამდენი დასაქმებული კვლავ იყოს, რომ ეკონომიკას მუდამ აღმავლობა ჰქონდეს.

რაც შეეხება ფოტოებს, მარცხენა სურათზე შუშის ქარხნის რამდენიმე მშრომელია ასახული, რომელთაც მაშინდელი პარტიის რაიკომის მეთაურ მდივანი, ქალბატონი ეთერ ახვლედიანი (ცენტრში) ესაუბრება. სამუშაო დარქივმა დანარჩენების ვინაობა არ დააფიქსირა.

შემდეგ ფოტოზე (მარჯვნივ მაღლა) კი საფეიქრო-საგალანტერიო ფაბრიკის მშრომელთა ერთი ჯგუფია. აი, აქ უკვე გვარ-სახელებიც შემოგვინახა ფოტომ (მარცხნიდან): ქვეოსტატი ჯუმბერ ბარბაქაძე, მქსოველები ნორა ტალახაძე, ლია ბარბაქაძე, ლალი აბრამაშვილი და ნანული აბრამაშვილი.



მესამე ფოტოზე ქვიშხეთის მეურნეობის რთველია ასახული, როდესაც ბარბაქაძე იყო და დიდი დოვლათიც. ამ ფოტოზე მხოლოდ მარცხნივ მდგომი მამაკაცის ვინაობა ვერ დავადგინეთ. დანარჩენები კი მარიამ ტაბატაძე, სერგო ქალიაშვილი (ბრიგადირი) და იასონ მკვდელიშვილი არიან.



ახალი სასწავლო პროცესის დაწყება განსაკუთრებულ, ამდლე-ბულ განწყობას უქმნის პედაგოგებს და სკოლის კედლებში მომსახ-ურე ყველა პერსონალს. პროფესიული მოვალეობის მაღალი პასუხ-ისმგებლობა და საქმის სიყვარული პედაგოგს ავიწყებს იმ რთულ და პრობლემებით სავსე ცხოვრებას, რაც ამ პროფესიას თან ახლავს.

საქართველოს პედაგოგთა და მეცნიერთა თავისუფალი პროფკავშირი არის სოციალურ სამართლიანობაზე, დემოკრატიულ პრინციპებზე, ხარისხიან განათლებაზე, პროფესიული განათლების ხელშეწყობაზე ორიენტირებული ორგანიზაცია, რომელიც ასევე, არის მსოფლიოს პროფკავშირების ინტერნა-ციონალის სრულფუნქციონირებელი წევრი და 171 ქვეყანას აერთიანებს. წევრ-დელი წელი პედაგოგებისათვის იწყება პროფესიული განვითარებისა და კარიერული წინსვლის სქემაში ჩართვით და აქტიური საქმიანობით. რაც პე-დაგოგიური საქმიანობის სწორად წარმართვასა და მათი შრომის ღირსეულად დაფასებას შეუწყობს ხელს. უფრო ზუსტად, ორგანიზაციის საქმიანობის და



პედაგოგებისათვის ხელშეწყო-ბის პროგრამებზე, პედაგოგ-თა და მეცნიერთა თავისუფა-ლი პროფკავშირის ხაშურის რაიონული ორგანიზაციის თავმჯდომარე ინეზა ელის-აშვილი-შუბითიძე ისაუბრებს: ქალბატონო ინეზა, რო-გორც ვიცით, წელს მას-წავლებელთა ხელფასების ეტაპობრივი ზრდაა დაგე-მილი, რა რაოდენობით და მასწავლებელთა რა კატე-გორიისთვისაა გათვალის-

წინებული სახელფასო დანამატები?

—წლეუნიდან სასწავლო წელს პედაგოგები მიიღებენ 50 ლარიან დანამატს ხელფასზე და ამ რაოდენობით მატება მოხდება წელიწადში ორჯერ. თუ პე-დაგოგს აქვს სრულზე მეტი დატვირთვა და ატარებს 19 ან მეტ საგაკვეთილო საათს, 19-დან 25 საგაკვეთილო საათამდე ჩატარებისას მასწავლებელს სრული განაკვეთის ხელფასზე ეძლევა დანამატი ყოველ შემდეგ საათზე 5 ლარის ოდენობით, მე-8 მუხლის და მე-4 პუნქტის შესაბამისად. უფროსი მასწავლებლის სტატუსის დანამატი—2015 წლის სექტემბრის მდგომარეობით, განისაზღვრება 160 ლარით. წამყვანი მასწავლებლის სტატუსის დანამატი —250 ლარით და მენტორი მასწავლებლის —300 ლარით. მასწავლებლის შრომის ანაზრაურება შედგება თანამდებობრივი სარგოსა და დანამატებისგან, რის საფუძველზეც საშუალებო თანხა გამოითვლება სრული ოდენობით. მასწავლებლის ხელ-ფასი დამოკიდებულია ცენზზე და სტაჟზე. 50 ლარის დანამატის შემთხვევა-ში, საბაზო ხელფასი ათიჯერაა 355 ლარიდან. შედგენილი გვაქვს ცხრილი, თუ რის მიხედვით გამოანგარიშდება დანამატების შემდეგ მასწავლებლის ხელფასი, რომლის შესახებაც ინფორმაცია გადაეცემა თითოეულ სკოლას. ახალი შრომის კოდექსი მასწავლებლებთან ურთიერთობის ახალ ფორ-მასაც გულისხმობს...

—წლეუნიდან სასწავლო წელი გამოირჩევა იმითაც, რომ საჯარო სკოლის დამსაქმებლები დასაქმებულ პირებთან ახალი შრომის კოდექსის მიხედვით, გააფორმებენ ხელშეკრულებას. კერძოდ: ხელშეკრულება უვადოდ დადებულია ითვლება 2014 წლის 4 ივლისიდან იმ დამსაქმებელთან (პედაგოგთან), რომელთ-ანაც შრომითი ურთიერთობა 2013 წლის 4 ივლისისთვის გრძელდებოდა 5 წლის, ან მეტი ხნის განმავლობაში. რაც შეეხება 2013 წლის 4 ივლისის შემდეგ გა-ფორმებულ ხელშეკრულებებს: თუ ხელშეკრულება დადებულია 30 თვეზე მეტი ვადით, ან თუ შრომითი ხელშეკრულება გრძელდება ვადიანი ხელშეკრულების ორჯერ ან მეტჯერ მიმდევრობით დადების შედეგად და მისი ხანგრძლივო-ბა აღემატება 30 თვეს, ჩაითვლება, რომ დადებულია უვადო ხელშეკრულება.

ვადიანი შრომითი ხელშეკრულებები მიმდევრობით დადებულად ჩაითვლება, თუ არსებული შრომითი ხელშეკრულება გაგრძელდა მისი ვადის გასვლისთა-ნავე, ან მომდევნო ვადიანი შრომითი ხელშეკრულება დაიდო პირველი ხე-ლშეკრულების ვადის გასვლიდან 60 დღის განმავლობაში. ეს ნიშნავს იმას, რომ თუ პედაგოგთან შრომითი ხელშეკრულება დაიდო 2013 წლის 4 ივლისის შემ-დეგ, ახალი სასწავლო წლიდან გაფორმებული ერთწლიანი ხელშეკრულების მიხედვით, ნამუშევარი პერიოდი გამოდის ჯამში 30 თვეზე მეტი, ასეთი ხე-ლშეკრულება ავტომატიურად ითვლება განუსაზღვრელი ვადით დადებულად.

რაც შეეხება ერთ წელზე ნაკლები ვადით შრომის ხე-ლშეკრულების დაუშვებლობას, შრომის კოდექსის მიხედვით, ერთ წელ-ზე ნაკლები ვადით შეიძლება დაიდოს მხოლოდ იმ შემთხვევაში, თუ:

- ა) შესასრულებელია კონკრეტული მოცულობის სამუშაო;
 - ბ) შესასრულებელია სეზონური სამუშაო;
 - გ) სამუშაოს მოცულობა დროებით იზრდება;
 - დ) ხდება შრომითი ურთიერთობების შეჩერების სამუშაოზე დროებით არმე-ოფი დასაქმებულის ჩანაცვლება;
 - ე) არსებობს სხვა ობიექტური გარემოება, რომელიც ამა-რთლებს ხელშეკრულების განსაზღვრული ვადით დადებას.
- პედაგოგის სამუშაო სპეციფიკიდან გამომდინარე, ზემოაღნიშნუ-ლი რომელიმე გარემოება ვერ გახდება დასაქმებულთან 1 წელზე ნა-კლები ვადით შრომითი ხელშეკრულების გაფორმების საფუძველი. როგორ ხდება საათების გადანაწილება სკოლებში და იმ მასწავლე-ბელთათვის სამუშაო საათების ანაზრაურება, რომლებიც არასამუშაო დღეებს სკოლაში ატარებენ?

—საათების განაწილება არ ხდება ერთპიროვნულად, მხოლოდ სკოლის დი-

რექტორის მიერ. ამ პროცესში მონაწილეობას იღებენ საგნობრივი კათედრები, სამეურვეო საბჭო, დირექტორი და მტკიცდება პედსაბჭოზე. თუ პედაგოგს უწევს არასამუშაო დღეების გატარება სკოლაში, ეროვნული სასწავლო ოლიმპიადების ჩატარების მიზნით, ან ისინი წარმოადგენენ გამოცდების ეროვნული ცენტრის მიერ ხელშეკრულების საფუძველზე მოწვეულ პირებს, მათ მიერ შესრულებუ-ლი სამუშაო, შრომის კოდექსის მე-17-ე მუხლის თანახმად, უნდა ანაზრაურდეს. —პედაგოგების გადანაწილების ტრენინგების დაგეგმვაშიც მონაწილეობთ?

—საქართველოს პედაგოგთა და მეცნიერთა პროფკავშირის ხაშურის რაიონულ ორგანიზაციას განსაზღვრული აქვს პრიორიტეტული საქმი-ანობა პრობლემატური საკითხების ეფექტურად გადასაწყვეტად, რაც შემუშავებულია პედაგოგიურ კოლექტივებთან შეხვედრების დროს. გასულ სასწავლო წელს ყველა საგნის პედაგოგს ჩაუტარდა ტრენინ-გი, ტრენინგები ტარდება მასწავლებელთა პროფესიული გადამზადების სახ-ლის ტრენინგების მიერ, რომლებსაც ვიწვევთ საჭიროებისამებრ. უკვე შედ-გენილი გვაქვს სატრენინგო პროგრამა 2015-2016 სასწავლო წლისათვის და განსაზღვრულია, ჩატარდეს: გამოცდებისათვის მოსამზადე-ბე-ლი საგნობრივი ტრენინგები, თვითშეფასე-ბის კითხვარი, გაკვეთილების დაგე-გმვა, ტრენინგ-

მასწავლებლის საერთაშორისო კლასის ხე-ღმკვანელებისათვის. —რამდენადაც ვიცი, თქვენი პროფკავშირი

ჩართულია ბაგა-ბაღებზე ზრუნვის პროცესშიც...

—განათლების ინტერნაციონალი მიიჩნევს, რომ სახელმწიფომ უნდა უზ-რუნველყოს ბაგა-ბაღების პროფესიული განვითარება. ჩვენ, როგორც განათლების ინტერნაციონალის წევრი ორგანიზაცია, ვცდილობთ, აქ-ტიური მონაწილეობა მივიღოთ სკოლამდელი განათლების პრიორიტეტ-ული საკითხების შემუშავებასა და პროფესიული ინტერესების დაცვის და ღირსეული დაფასების ხელშეწყობაში. ამ მიზნით, მასწავლებლის დღესთან დაკავშირებით, სკოლამდელი აღზრდის დაწესებულებებს გადაე-ცათ მეთოდური ჟურნალი საბავშვო ბაღის აღსაზრდელებთან სამუშაოდ. ტრენინგები გათვალისწინებულია აგრეთვე სკოლამდელი აღზრდის დაწესებულე-ბაში დასაქმებულთთვის. მუშაობის სწორად და ეფექტურად წარმართვაში დიდად გვიწყობს ხელს სამთპ-ს თანამშრომლობა ხელისუფლების წარმომადგენლებთან. —სხვა ტიპის შეღავათებით და ხელშეწყობით თუ სარგებლობენ მასწავლებლები?

—აღსანიშნავია, რომ ქვეყანაში მიმდინარე პოლიტიკურ-სოციალურ-ეკონო-მიკური პროცესები, გარკვეულწილად, აისახება ჩვენი ორგანიზაციის თი-თოეულ წევრზე, რის გამოც, ხშირად გვიწევს ქმედითი ღონისძიებების გატარება, ჩვენი რაიონის განათლების სისტემაში დასაქმებული პროფ-წევრები სარგებლობენ ჩვენს მიერ დაწესებული მთელი რიგი შეღა-ვათებით-სტომატოლოგებთან, სილამაზის სალონებში, ფიზიო-თერაპევტ-თან, ზოგიერთ მაღაზიაში მომსახურებას უწევენ 30%-იანი ფასდაკლებით. ყველა მუშაკს გადაეცა ჩვენს მიერ შემუშავებული საჭირო მასალებით



აღჭურვილი "მასწავლებლის დღიური", რაც მათ დაეხმარებათ უფლე-ბების უკეთ გარკვევაში. ეტაპობრივად, ყველა საჯარო სკოლის მუშა-კი ზაფხულის არდადეგებზე განტვირთვის და დასვენებისათვის უზ-რუნველყვავით სასწავლო ექსკურსიებით და საზაფხულო დასვენებით. ჩვენი ორგანიზაცია თანამშრომლობს განათლების რესურსცენტრ-თან. ორივე მხარე დაინტერესებული ვართ, რაც შეიძლება მეტი სასიკე-თო საქმე გაკეთდეს სკოლებისათვის და პედაგოგებმა წარმატებით გადა-ლახონ ყველა ის სიძნელე, რაც მათ მუშაობის პროცესში ხვდებათ.

მინდა ვისარგებლო შემთხვევით და მივულოცო მასწავლებლის საერ-თაშორისო დღე და ახალი სასწავლო წლის დაწყება ყველა პედაგოგს, ად-მინისტრაციას, ტექნიკურ პერსონალს, მანდატურებს, მშობლებს, მოსწავლეებს, განათლების რესურსცენტრის თანამშრომლებს, სკოლიდან გასულ პენ-სიონერ პედაგოგებს. ღრმად ვარ დარწმუნებული, რომ ჩვენი ერთობლივი თანამშრომლობით, ნამდვილად გვექნება წინსვლა განათლების სისტე-მაში მომავალი თაობის აღზრდის საპასუხისმგებლო და საქვეყნო საქმეში.



საჭიდაო არენა განახლდება

ქვემო ოსიაურში მდებარე საჭიდაო არენა კარგა ხანია რეაბილიტაციას ითხოვდა. ამ არენაზე ბევრი ღირსეული მოჭიდავე აღზრდილა. წელს სოფლის მხარდაჭერის პროგრამის ფარგლებში მისი რეაბილიტაცია შესაძლებელი გახდა. მისი დასრულების შემდეგ სოფელ ოსიაურის მოსახლეობას, განსაკუთრებით კი ჭიდაობის მოყვარულებს, შესაძლებლობა ექნებათ სპორტით გაუმჯობესებულ გარემოში დაკავდნენ.

ოხი ჩემპიონი ხაშურში



ამ დღეებში ბათუმში, დასრულდა საერთაშორისო ტურნირი ქართულ ჭიდაობაში. ჭიდაობის მოყვარულთათვის ქართული ჭიდაობის კონტექსტში სიტყვა „საერთაშორისო“, ერთი შეხედვით, თითქოს ზედმეტია. მაგრამ ასე სულაც არაა. ქართული ჭიდაობის ფედერაცია ბევრს მუშაობს, რომ ქართული სპორტის ეს მარგალიტი მართლაც საერთაშორისო აქციოს და ამის დასტური ბათუმის ტურნირიცაა, სადაც ქართველ სპორტსმენებთან ერთად აზერბაიჯანელი, ირანელი და თურქი მოჭიდავეებიც მონაწილეობდნენ. ტურნირზე ხაშურის ნაკრებიც იყო მიწვეული და ჩვენი ბიჭების გამოსვლა მართლაც წარმატებული გახლდათ. ჩვენი ნაკრები სულ 5 სპორტსმენით იყო წარმოდგენილი და მათგან ორი ჩემპიონი, ერთი კი ვერცხლის მედლის მფლობელი გახდა. ჩემპიონის კვარცხლბეკზე ლაშა ჩადუნელი (60კგ.) და გიგა ნოზაძე ავიდნენ (73კგ.). ვერცხლის მედალი კი ნიკა მამულაშვილმა ირგუნა.



აღსანიშნავია, რომ ჩვენი სპორტსმენთა მონაწილეობის ფინანსური მხარე აჭარისა და შიდა ქართლის ქართული ჭიდაობის ფედერაციებმა უზრუნველყვეს.

საკვირაო სკოლა მესამე ნაკადის მიღებას იწყებს

ორიოდე თვის წინ ჩვენს მკითხველს უკვე ვაცნობთ იმ სიახლის შესახებ, რომელიც ჩვენს ქალაქში დაინერგა. საქმე ეხებოდა საკვირაო სკოლის გახსნას, რომელსაც ორგანიზებას უწევდა მუნიციპალიტეტის საკრებულოს ფრაქცია „რესპუბლიკელების“ წევრი ლაშა მესხი. საკვირაო სკოლამ თავისი ფუნქცია მართლაც შესანიშნავად შეასრულა და ამჟამად უკვე მესამე ნაკადის მიღებას იწყებს. როგორც ბატონმა ლაშამ ჩვენთან საუბარში აღნიშნა, მიღება 11

ოქტომბრიდან დაიწყება და სასკოლო კურსი 6-7 კვირის მანძილზე გაგრძელდება. შეხვედრები ჩატარდება ყოველ შაბათს 12-14 საათამდე. სკოლის მსმენელი შეიძლება გახდეს ჩვენი მუნიციპალიტეტის სკოლის მე-10 და მე-11 კლასის მოსწავლე, სკოლის 16 მსმენელი ჩაირიცხება გასაუბრება-ტესტირების გავლის შემდეგ.



სასკოლო კურსი მოიცავს შემდეგ თემებს: ადგილობრივი თვითმმართველობა, ჩემი როლი სახელმწიფოში, გადაწყვეტილების მიღება, ბიუჯეტის ფინანსები, როგორ გადავწყვიტო პრობლემები, მოქალაქეთა მონაწილეობა თვითმმართველობის განხორციელებაში, როგორ დავწერო პროექტი, პრეზენტაციის უნარ-ჩვევები. კურსის მიმდინარეობისას მსმენელები შეხვდებიან სხვადასხვა ცნობილ ადამიანებს (სკოლის ერთ-ერთ ნაკადს შეხვედრა ჰქონდა პაატა ზაქარეიშვილთან), ხოლო კურსის დამთავრების შემდეგ ეგვიან საქართველოს პარლამენტს და გამორჩეულებს გადაეცემათ შესაბამისი სერთიფიკატი. კურსი ინტერაქტიულია, მსმენელები ადგენენ პროექტებს, ესწრებიან საკრებულოს სხდომას, მონაწილეობენ სხვადასხვა აქტივობებში (გამწვანება-დასუფთავების აქციები, 2 ივნისის მონაწილეობა მიიღეს კონფერენციაში „რატომ ვეროპისკენ“, სხვა სკოლის მოსწავლეებს უტარებენ ტრენინგს სკოლაში გავლილ თემაზე). აღსანიშნავია, რომ საკვირაო სკოლას აქტიურად ეხმარება ხაშურის მუნიციპალური ბიბლიოთეკა და ნიდერლანდების ინსტიტუტი მრავალპარტიული განვითარებისთვის (NIMD).

D

ნანა ღამბაშიძე - ჩვენი ტკივილი

ჯერ კიდევ გუშინ, ერთი ღამაში, სათნო და კეთილშობილი ქალბატონი დააბიჯებდა ხაშურის ქუჩებში...

ქართულ საგალობელს ჰგავდა მისი ცხოვრება სათუთს, მრავალხმიანს... ზღვას სიკეთისას, უნაპიროს და უკიდევანოს... სიცოცხლის ხეს კიდევ ერთი ფოთოლი მოსწყდა ნაადრევად. თითქოს შემოდგომის მზეს ჩაჰყვა... თვალს მიეფარა... ჩვენი ნაპირს შევრჩით, უსუსურობის შეგრძნებით კიდევ ერთხელ დაოსებულნი და განადგურებულნი... დარჩა მარადიულ ტკივილად, მაინც იმედად, სიკეთის მაცნედ. პროფესიონალიზმით კი მარადიულ ჰანგად დარჩა მოზარდთა ცნობიერებაში. ეს იყო ჰიმნი, რომელიც შეიძლებოდა სამშობლოსათვის ეძღვნა მუსიკოსს... სამი ნათელი სხივი ჩაუქრა ხაშურის სამუსიკო სკოლას. სამი კეთილხმოვანი ბგერა მინავლდა ობერტონებად განფენილი... ორი ცისანა (ტყეშელაშვილი, ქიტიაშვილი) და ახლა კი ნანა, ჩვენი ნანა ღამბაშიძე, რომელიც ჩვენს გულელებში გადანაწილდა. ღვთის შიშითა და რწმენით აღსავსემ იცხოვრა და ასეთივე და პირნათელი წარსდგა უფლის წინაშე. მისგანვე თავის სახედ და ხატად შექმნილი მხევალი ღვთისა...



ნახვამდის, ჩემო ძვირფასო მეგობარო!.. სიყვარულის, სინანულისა და ტკივილის ცრემლით გაჯერებული თაიგული დევს ჩვენს გულელებში-შენს პანთეონში...

ნანი გაჩეჩილაძე, მავალა ხაჩიძე, ნათელა ჭინჭარაძე, კლარა გელაშვილი, ჟუჟუნა ცენგირაშვილი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

ბ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუსიაშვილი.